

中國方志叢書·華中地方·第八三四號

據

清·藍煦等修，曹徵甲等纂
清同治十年刊本

影印

江 西 省

星子縣志



成文出版社有限公司印行

星子縣志卷之四

建置志下

寺

天甯寺在縣治西宋爲崇甯萬壽院後改光孝清熙間僧義重建改今名明洪武間開設僧綱司歲久傾圯萬曆二十一年知府田瑄重修爲習儀之所知縣吳福書匾

國朝康熙十年巡撫董衛國知府廖文英重修咸豐三年賊燬今鼎建縣城隍廟卽其址

瞻雲寺原名歸宗寺在金輪峯下王羲之故宅咸康間僧達摩自西來羲之捨宅爲寺義熙間佛馱耶舍唐智常禪師前後修葺宋嘉祐間周伯詳增修兵燬明洪武僧道溟懷瓚慧清繼修萬厯間釋果清重修明肅皇太后施藏經於寺

國朝順治間重修康熙間迦陵國師自瀋陽來大修佛殿三座禪堂客堂齋堂數十楹增置產業雍正四年十二月初八奉上諭朕在藩邸時披閱經史之餘每觀釋氏內典實契性宗之旨奧因當時與禪僧相接惟性音深悟圓通能闡微妙其人品見地超

釋氏越諸僧之上朕於西山建大覺寺爲其靜修之所及朕嗣登
極大寶位凡體國經邦一應庶務自有古帝王治世大法佛氏雖
有見性明心之學與治道無涉且若以舊邸熟識僧人仍令主席
長居京師天下或以朕有好佛之心深有未可且有累於性音之
介節清行而性音亦力辭歸隱遂安禪於廬山瞻雲寺四年於茲
仍然謹守律規謝絕塵境卽本省大吏盡不知不聞也今聞其遽
爾圓寂朕心深爲軫恤著照玉林加恩之例追贈國師並賜與諡
號著卽交內閣撰擬其語錄乃近代僧人所罕能者著入經藏以

其興修善之功欽此雍正八年

勅賜今名及慈徧廬峯匾額奉建

仁廟得富於右軍洗墨池北乾隆五年

賜藏經八櫃於毘盧殿上建立藏經閣乾隆四十六年撥給庫款修

理寺宇奉部覆

准飭將用過工料造冊報部每年由藩庫濠租項下支領銀二十

四兩爲香燈之資本寺田地山莊載有田地考一卷存寺嗣

後寺中田產代有增益多出檀施共計底面水民田四百零

七畝二分三釐客租田三百一十畝零八分一釐山六十五
片地八十六片本寺坐山橫亘周圍約十餘里咸豐三年疊
遭兵燹同治三年僧荆璧重修大殿護法堂二重又與僧玲
璣空谷共修彌勒殿現住持覺善重建方丈古松堂衣鉢寮
關帝殿四座並各處

唐李白贈智常禪師詩

知見一何高

眼避天位因觀洗耳人千古應無愧

呂巖書歸宗鐘樓壁一

日清閒自在仙六神和合報平安丹田有寶休尋道對境無

心莫問禪

宋蘇轍詩

來聽歸宗早晚鐘疲勞懶上紫霄峯墨

池漫登溪中石白塔微分嶺上松佛宇爭雄一山甲僧厨坐
待十方供欲遊山北東西寺巖谷相連更幾重

朱子遊歸宗

寺和允延之詩

金輪紫霄上寶蓋鸞溪邊往昔王內史願香

有餘煙千年今一歸景物還依然澗水既蕩潏山花亦清妍
不辭原隰勞樂此賓從賢訪古共紆鬱勞農獨勤拳憐我乖
勝踐裂牋寄真詮逃禪公勿遽且畢區中緣

明李夢陽歸宗

詩
夕日照何寺夏雷喧此峯惆悵昔人去空餘山側松

鄒亮

標宿歸宗寺贈果清上人三首錄二

踏破匡廬百萬重不知

何處是歸宗堂開可結東林社來叩關黎半夜鐘
我向清山學懶慵君還古寺振高蹤他年法雨諸
天集驚起潭中久臥龍

國朝袁枚宿瞻雲寺詩

一宿豈偶然前生有緣在廟額題瞻雲

兩樟立門外古之宗生菴重修自昭代琳宮既
魏我金像

尤宏大相傳王右軍捨宅作香界尙有墨池存
清瑩色可愛

花隱叢竹中鳥啼磬聲外豈不想留連前途有
山待

邑人查

振旗瞻雲寺齋堂詩

口吐雙鳩驚世眼腸充五鉢走波臣山

中自昔無多味細嚼鹹齏淡入神

秀峯寺原名開先寺在廬山南麓南唐李中主問舍於五老峯

下野夫獻之買爲書堂及卽位以爲寺故名開先

馮延巳記

皇卽位之九年詔以廬山書臺舊基爲寺寺成會昭義軍

節度使馮延巳肆覲於京師上賜從容於便殿語及往事顧

謂曰廬山書堂已爲寺矣朕書堂之本意卿亦與知頗記意

否對曰陛下真誠懸日月微臣固陋何敢忘之昔在吳郡唐

運中缺陛下年方志學龍潛鼎司洪惟聖心邈焉高蹈咳唾

權政疣贅經綸慕崆峒之師幾勞軒拜聞富壽之祝亦固堯
辭注念煙蘿每懷宴息因尋爽塏之境以備華胥之遊匡廬
天下之名山江表之勝概圖志具載仙靈咸棲果有潛夫來
獻茲地已酬善價遂闢重基纔俾芟除未遑畚築旋則中興
在運夏物重歸陛下位屬元良務煩監撫寢門雞唱方視燠
寒嵩高鳳鳴豈諧好尚逮乎出震嗣服雖欲從之巢父之蹤
其可繼耶堯舜不得已而治天下詎虛言哉方今陛下日照
月臨風行草偃勤儉以化焦勞思理求賢草澤盡善於百王

推公友于邁德於千古蟲蝗殞於靈雨旱歉轉爲豐年大信
既孚四方後后威維取亂仁實懷柔所以建水僭稱肉袒而
詣吏楚邦亂畧俛首而來朝矧彼長沙恃險與固隔絕聲教
五紀於茲一旦砥平易於反掌兵不血刃市不易肆拓土宇
於數千里復正朔於四十州可大之功冠乎史冊猶且納陛
軫慮馭朽兢懷物暢皇猷民知王度洋洋焉蕩蕩焉混一車
書豈遠乎哉言未及終上曰皆然矣抑朕又聞古先哲王握
圖御宇惟德是務與善同歸俯仰抑揚不失其正久於其道

而天下化成恆沙如來出世濟俗依空說性懽外無空信則
修崇悟則解脫始乎正法終乎象教使人趨清淨之域息貪
競之心民用以醕理復何遠是則菩提之教與政通焉朕以
此寺基是朕思欲逕世之地棄之則草莽可惜構之則棟宇
無名不若建興茹藍以居僧衆示人至理亦助法之一端其
創置之規奢儉之度積用之費卿復知耶延已對曰起置之
始適以上奏羣平程土工度山木豫章之材間出般輸之藝
屢獻鐔斤若雨荷鋪如雲力不勞於中民財不傷於外府歲

月未幾厥功已集曠多寶之湧出疑化城之突然寢殿正
重軒覆檻高墉虹轉修廊翼舒香厨旁開僧房內闢法筵清
淨宛是祇陀之園方丈精嚴更類維摩之室撫菩提之地位
儼如來之相好功成敏手則塑像如生妙屬良工則丹青若
活而況依林附麓左巖右壑瀑布懸呂梁之勢淩雲挺閭岨
之形溪徹湓江表法流之不斷峯開石鏡同慧日之長明其
或寥泝雲收戶庭雨霽鐘鳴谷響猿啼樹深仰止則峻巘連
空寫望則長川無際僧閒境寂似出世間信有爲之勝因實

安禪之嘉所足使迷者得于陸之漸達者得不二之門苟非
聖人用心其孰能與於此乎上曰卿知其始也既如彼其未
也又如此則文以記其事非卿而誰延巳對曰臣才學本空
筆硯久廢雖然盛德之事固願歌詠慚匪當仁曷符不朽乃
跪而進頌曰彭蠡之陽廬山峻峙積純和氣竦指天勢峯連
奇秀谷藏靈異鸞洞之前勝復爲最懿乎我后河漕運契仁
聖文明肅恭敬畏堯舜其心巢父其志思憇大廷因開福地
帝出乎震龍飛在天梯航合邇符瑞駢闐推公固本舉正求

賢九功既叙七德俄宣真師一奮建人來庭神兵再發楚邦
蕩平威震四海疆開百城日新之盛無得而名恢恢謨游
刃有餘乃思是境昔擬華胥夙心不獲締構猶虛改名梵宮
俾奉真如榛蕪既闢棟楹崛起雕甍綉櫺重欄疊砌丹嶂崇
崖前臨無地屈曲延袤高低迤邐炳炳丹青端嚴塑像表上
乘法示人天相清眾晝閒禪關夜啟十二類生孰不瞻仰聖
君旨趣古佛因緣教化之本治平之原其功莫量其福無邊
皇圖帝齡永永萬年 宋太平興國二年賜名開先華藏明

洪武初僧清江復建永樂中僧智勝正統中僧道嵩繼修天
順初都綱大然請復舊額後燬守道李天植知府潘志伊重
建命僧覺清董之

國朝順治間僧曹源重募建康熙二十八年巡撫宋學重修

自

記

廬山高七千三百六十丈而說者曰禹貢敷淺原卽其地

也錄不載於周官職方氏書不列於五嶽十二鎮之秩祀至
周時相傳有匡廬者廬於此得名然西漢以前無稱焉自太
史公作河渠書乃曰予南登廬山廬山之名自此顯迨東晉

慧遠居東林始開白蓮社於虎溪之上一時入社得十八賢
而西方之教乃大興於東南鶴鳴峯下有開先寺志謂昉自
南唐李中主景間考黃庭堅修造記云中主年少好文問舍
五老峯下有野夫獻地買之萬金以爲書堂及卽位命爲寺
以野夫獻地爲已有國之祥故名開先宋太平興國二年賜
名開先華藏其後寺屢廢興至明復建以迄於今余昔自江
西移節吳會道過南康因至其寺青玉峽聰明泉招隱橋諸
勝一舉足而畢覽其概實爲仙靈窟宅而棟傾椽圯風雨烏